

շատ մեծ հարստութիւն ձեռք բերին. իբրեւ օրինակ կ'ուզենք հոս անցողակի յիշել Լեւոն Բերկեցի հարուստ վաճառականն զխաչատուր (Քրիստոֆ) Աւետիք Պեռնաթովիչ († 1671), որ կրցաւ Լեւ հաստանի Ալատիսլաւ Գ. թագաւորին 300,000 տուքադի այն ժամանակի համար ահագին գումարը փոխ տալ<sup>102</sup>:

Սուլավայի Հայոց աւանդութեան համեմատ՝ Սիմէոն (Շիմա) անուն Հայ մը 1600ին<sup>103</sup>, Երեմիա Մոհիլա (1596—1606) Մոլդաւիոյ իշխանին ժամանակ, Սուլավայի Ս. Սիմէոն Ծերուն<sup>104</sup> (ծերունոյ) նուիրեալ Հայ եկեղեցին շինած է: Այս եկեղեցին Սուլավայի մէջ «Կարմրաշտարակ եկեղեցի» անուամբ ծանօթ է, վասն զի զանգակատան աշտարակն մինչեւ վերջին աւաններ կարմիր ներկուած էր. այժմ թէ եկեղեցին եւ թէ աշտարակը թիթղամբ դրուագեալ է, եւ միայն աշտարակին ծայրը կարմիր մնացած է: Մինչեւ վերջին ատեններ Հայոց գերեզմաննոցն այս եկեղեցւոյն քովն էր, որ այժմ ասկէ ոչինչ հեռու՝ Զամբայի դաշտերուն վրայ ռազմամթերանոցին քով փոխադրուած է: Այս եկեղեցւոյն մէջ կը մատուցուին ննջեցեաց պատարագներ, եւ բաց անկէ՞ ամէն մեծ տօներու յաջորդ օրն կանոնաւորապէս պատարագ կը մատուցուի: Այս եկեղեցին ունի տեսակ մը պատկերաց շէնք, եւ բաց անկէ՞ թանկագին վարագոյր մը, վրան Ս. Գրոց պատկերներ բանուած, որոյ արձանագրութիւնն է. «Յիշատակ է վարագոյրս Գրիգորի որդուն աստուածասէր եւ սի-